

Naqqiut

Ilanngussaq 2-imut 9. august 2016-imeersumut taartaasoq
(§-imut innersuunneqartunut innersuussissutini iluarsiiisuteqartoqarpoq aamma inatsisinut
innersuussinerni ilanngussami tamani, taammalilluni innersuussinerit ilanngussamut
danskisuumut naapertuuttunngorlugit)

Ilanngussaq 2

Erhvervsstyrelsi
J.nr. 2015-13795

MISSINGIUT

**Naatsorsuuserineq pillugu inatsisip allanngortinneqarnissaa pillugu inatsisini
assigiinngitsuni aalajangersakkat ilaasa Kalaallit Nunaannut atuutilersinneqarnissaat
pillugu peqqussummut missingiutip naalisarnera**

Imai

- 1 Aallaqqaasiut
- 2 Naatsorsuuserineq pillugu inatsit pillugu nalinginnaat
- 3 Naatsorsuuserineq pillugu maleruagassanut maannamut kalaallit suliffeqarfiutaannut
atuuttunut atatillugu allannguutit
- 4 Kalaallit Nunaanni pissutsit kingunerannik peqqussutissatut missingiummut allannguutissatut
siunnersuutit
- 5 Peqqussutip Kalaallit Nunaannut atuutilersinneqarnera aamma ikaarsaariarnermi
aalajangersakkat il.il.

1. Aallaqqaasiut

Naatsorsuuserineq pillugu inatsisip Kalaallit Nunaannut atuutsinneqalernissaa pillugu
Kunngip peqqussutaata nr. 624, 23. juni 2008-meersup maanna atuuttup nutarterneqarnissaa
Kunngip peqqussutissaatut missingiutikkut nassiunneqartukut siunertaavoq, taamaalilluni
inatsisit tulliuttut malillugit naatsorsuuserineq pillugu inatsimmi allannguutit, Kalaallit
Nunaanni pissutsit kingunerannik allannguutit peqqussummut tamakkiisumik
ilaannakortumilluunniit ilanngullugit suliarineqassammata:

- Kukkuersuisut kukkuersuinermillu suliffeqarfiit akuerisaasut pillugit inatsit nr. 468, 17.
juni 2008-meersoq (kukkuersuisut pillugit inatsit).
- Pinngitsoorani digitalimik attaveqatigiinneq il.il. pillugit inatsisitigut aalajangersakkat
assigiinngitsut allanngortinneqarnissaat pillugu inatsit nr. 1231, 18. december 2012-imeersoq

(Pinngitsoorani digitalimik attaveqatigiinneq kiisalu oqartussaaffinnik nuussinerup kinguneranik naleqqussaanerit il.il.).

- Naatsorsuuserineq pillugu inatsisip allangortinneqarnissaa pillugu inatsit nr. 55, 27. januar 2015-imeersoq (Naatsorsuuserinermi atortunik il.il. toqqorsimatitsineq).

Naatsorsuuserineq pillugu inatsisip Kalaallit Nunaannut atuutsinneqalernissaa pillugu peqqussummi atuuttumi allannguutissatut siunnersuutit peqqussutissatut siunnersuummi § 2-mi takuneqarsinnaapput. Allannguutit allannguutissatut inatsisitut ilusiligaapput.

Pingaartumik kukkunersiuisut kukkunersiuinermillu suliffeqarfiit akuerisat pillugit inatsit nr. 468, 17. juni 2008-meersoq maluginiarneqassaaq, inatsisip kukkunersiuisut naalagaaffimmit piginnaatitaasut kukkunersiuisullu nalunaarsugaasut pillugit inatsit taarsermagu. Inatsit kingullertut taaneqartoq Kalaallit Nunaannut atuuppoq, kunngip peqqussutaa nr. 623, 23. juni 2008-meersukkut Kalaallit Nunaannut atuutsinneqalernikuulluni. Kukkunersiuisut kukkunersiuinermillu suliffeqarfiit akuerisat pillugit inatsisip kunngip peqqussutaatigut Kalaallit Nunaannut atuutsinneqalernissaannut Kalaallit Nunaanni oqartussat akuerseqqullugit qinnuiginissaat siunertaavoq. Tamatumunnga inatsisissatut siunnersuut inatsimmut annertuunik allannguutitalik utaqqineqarpoq, taassumalu Folketingip maanna ataatsimiinnerani piviusunngortinneqarumaarnera naatsorsuutigineqarpoq. Inatsisissatut siunnersuut akuersissutigineqareeriparpat, peqqussutissatut missingiutip suliarineqarnera aallartinneqarumaarpoq. Naatsorsuuserinerli pillugu inatsimmut allannguummik ataatsimik maannangaaq ilanngussisoqarnissaa siunnersuutigineqarpoq, taannalu naatsorsuuserineq pillugu inatsisip Kalaallit Nunaannut atuutsinneqalernissaa pillugu peqqussutip nutarterneqarnissaanut missingiummi, inatsit nr. 468, 17. juni 2008-meersumiippoq. Tamatumani naatsorsuuserineq pillugit inatsimmut allannguut nalinginnaasoq pineqarpoq, tamatumunngalu kukkunersiuisut kukkunersiuinermillu suliffeqarfiit akuerisat pillugit inatsisip Kalaallit Nunaannut qaqugukkut atuutsinneqalernissaa apeqqutaanngilaq. Allannguut pineqartoq immikkoortoq 3.4-mi eqqartorneqarpoq.

2. Naatsorsuuserineq pillugu inatsit pillugu nalinginnaat

Naatsorsuuserineq pillugu inatsit suliffeqarfiit inuussutissarsiornermik ingerlatsisut, kattuffiit suleqatigiiffiillu il.il., inatsimmi § 1-imi erseqqinnerusumik killiligaasut naatsorsuuserinerannut maleruagassanik imaqarpoq.

Suliffeqarfiup qanoq ittuunera qanorlu angitiginera mianeralugit, naatsorsuuserinermilu ileqqorissaarneq naapertorlugu naatsorsuuserinerup aaqqissugaanissaa ingerlanneqarnissaalu inatsimmi pingaarnertut tunngaviupput. Taamaasilluni naatsorsuuserineq imatut aaqqissuunneqassaaq ingerlanneqarlunilu, naatsorsuuserinermi atortut aserorneqassanatik,

iginneqassanatik allangortinneqassanatilluunniit, soorlu aamma kukkunernut atonerluinernullu qulakkeerinnittoqassasoq.

Ilaatigut nalilinnik nuussineq qanoq nalunaarsorneqarnissaannut uppersarneqarnissaannullu kiisalu naatsorsuuserinermi atortut qanoq toqqorsimatinneqarnissaannut maleruagassanik inatsit ilaatigut imaqarpoq. Aammattaaq oqartussat inatsisit allat tunngavigalugit naatsorsuuserinermut atortunik takunnissinnaatitaappat, oqartussat naatsorsuuserinermut atortunik takunnissinnaanerannut maleruagassanik inatsit imaqarpoq.

3. Kalaallit suliffeqarfiinut maleruagassanut maannamut atuuttunut naleqqiullugu allannguutit

Naatsorsuuserineq pillugu inatsisip Kalaallit Nunaannut atuutsinneqalernissaa pillugu kunngip peqqussutaata atuuttup atuutilersinneqarneraniilli allannguutit, Folketingip naatsorsuuserineq pillugu inatsimmut akuersissutigisimasai, immikkoortoq 3-p ataani immikkoortuaqqani eqqartorneqarput.

Allannguutit pillugit inatsisinut ataasiakkaanut, immikkoortoq 1-imi taaneqartunut, oqaaseqaatit ilanngullugit innersuussutigineqarput.

3.1. Attaveqatigiinneq

Inuussutissarsiornermut Ineriartortitsinermullu ministerip suliassaqarfiani inatsisini amerlaqisuni, aamma naatsorsuuserineq pillugu inatsimmi attaveqatigiinneq pillugu maleruagassanik ilanngussisoqarnikuuvoq. Maleruagassat naatsorsuuserineq pillugu inatsimmi kapitalimut nutaamut, kapitali 1 a-mut ilanngunneqarput.

Suliffeqarfiit oqartussallu pissutsit naatsorsuuserineq pillugu inatsimmut ilaasut pillugit allakkatigut attaveqatigiinneri, tamatigut digitalimik pisarnissaat pillugu maleruagassanik aalajangersaanissamut Erhvervsstyrelsimut piginnatitsissut maleruagassat nutaat ilaatigut imaraat. kalaallilli suliffeqarfiinut digitalimik attaveqarnissamut piunasaqaat, piffissaq taamatut iliornissamut naleqquttutut isigineqalersinnagu eqqunneqassanngilaq, soorunalimi kalaallit oqartussaasui tamatumunnga akuersereertinnagit eqqunneqarnaviarani.

Attaveqatigiinneq pillugu maleruagassat nutaat atsiornernut pissutsit pillugit maleruagassanik aamma imaqarput. Pingaartumik uppersaartitut allakkianik, digitalimik allanneqartunik aamma/imaluunniit nassiunneqartunik atuinermi aalajangersakkat taakku pisariaqartinneqarput.

3.2. Nunani allaniilluni naatsorsuuserinermut atortunik toqqorsimatitsinermut maleruagassat sakkukinnerusut

Naatsorsuuserinermut atortut, elektronik atorlugu toqqortarineqartut, nunani allaniitilluni pisortat oqartussaasuinut siumoortumik qinnuteqanngikkaluarluni imaluunniit nalunaaruteqanngikkaluarluni elektronik atorlugu toqqortarineqarsinnaanerata nutaajuvoq. Tamanna naatsorsuuserineq pillugu inatsimmi § 12-ip nutaamik oqaasertalerterata kinguneraa.

Naatsorsuuserinermi atortunut, taamaallaat pappialanngorlugit toqqortarineqartunut, nunani allaniilluni naatsorsuuserinermut atortunik toqqortarinninneq eqqarsaatigalugu killiliinerit maannamut atuuttut atuupput.

Naatsorsuuserinermut atortut sumiluunniit toqqortarineqaraluarpata, aamma elektronikkimik imaluunniit pappialanngorlugit toqqortarineqaraluarpata, taamaattoq naatsorsuuserinermi atortut naatsorsuuserineq pillugu inatsimmi maleruagassat malillugit tamatigut toqqortarineqassapput. Tamanna ilaatigut isumaqarpoq, naatsorsuuserinermut atortut toqqissisimanartumik inissisimatinneqassasut. Tamatuma saniatigut tamanna isumaqarpoq, oqartussat inatsisit allat malillugit naatsorsuuserinermut atortunik takunninnissamut piunasaqaateqarpata, suliffeqarfiup naatsorsuuserinermut atortut tamakkerlugit pissarsiarisinnaassagai, pisortallu oqartussaasui taakkunannga takunnissinnaatillugit.

3.3. Pisortat oqartussaasuisa naatsorsuuserinermut atortunik takunnissinnaanerannut atatillugu allannguutit

Naatsorsuuserinermut atortunik oqartussanut tunniussinermut maleruagassat naatsorsuuserineq pillugu inatsimmi § 15-imi takuneqarsinnaapput. Taamaasilluni oqartussat inatsisit allat malillugit naatsorsuuserinermut atortunik takunnittussaataitaappata, suliffeqarfik pisortat oqartussaasuinut naatsorsuuserinermut atortunik takutitsissaaq. Oqartussat nakkutilliinermik paasiniaanermilluunniit suliaqartut nalinginnaasumik pineqarajuttarput.

Naak naatsorsuuserinermut atortut inummi pingajuusumi uninngatinneqaraluartut, oqartussat naatsorsuuserinermut atortunik takunnissinnaatitaanerisa atuunnerat § 15-imi erseqqissaatigineqarpoq.

§ 15 imatut oqaasertalerneqarpoq, naatsorsuuserinermut atortut tuluttut suliarineqarsimasut nutserneqarnissaat oqartussanit piunasaqaatigineqarsinnaanani. Tamanna ukiumoortumik naatsorsuutit pillugit inatsimmi § 138, imm. 3-mut atatillugu isiginiarneqassaaq, ukiumoortumik nalunaarutit tuluttuinnaq suliarineqarsinnaanerata ullumikkut periarfissaammat. Ukiumoortumik naatsorsuutit pillugit inatsisip allanngortinneqarnissaa

pillugu inatsisini assigiinngitsuni aalajangersakkat ilaasa Kalaallit Nunaannut atuutsinneqalernissaat pillugu peqqussutissatut missingiummut naalisakkami immikkoortoq 3.10-mi tamanna erseqqinnerusumik eqqartorneqarpoq.

Kiisalu naatsorsuuserineq pillugu inatsimmi § 15 ilanngullugu imatut allanngortinneqarpoq, suliffeqarfiup naatsorsuuserinermut atortut elektronikikkut toqqorsimatippagit, naatsorsuuserinermut atortut elektronik atorlugu tunniunneqarnissaat nassiunneqarnissaalluunniit pisortat oqartussaasuisa piumasaqaatigisinnaallugu.

3.4. Naatsorsuuserinermut atortut attuumassuteqartut piumasinnaaneranunt Erhvervsstyrelsi inatsisitigut tunngavissaasa erseqqissaatiginerat

Suliffeqarfiit naatsorsuutaannik tigusisarneq nakkutilliinerlu Erhvervsstyrelsi suliaasa ilagaat. Suliffeqarfiit aningaasanik niuerfinni niuerutaasinnaasut naatsorsuutaannik tigusineq tamatigut misissorneqartarpoq/nakkutigineqartarpoq. Suliffeqarfinit aningaasanik niuerfinni niuerutaasinnaasunut allattugaanngitsunit naatsorsuutit tiguneqartut, misiligutinik tigusilluni nakkutilliisoqartarpoq. Naatsorsuutit tiguneqartut misissornerannut atatillugu, ilaatigut ukiumoortumik naatsorsuutit pillugit inatsisip unioqqutinneqarsimanera pillugu isummersinnaajumalluni paasissutissanik pissarsiniarnissaq styrelsimut pisariaqarajuttarpoq.

Kukkunersiuisunik kukkunersiuiinermillu suliffeqarfinit nakkutilliinermut atatillugu, kukkunersiuisup aamma/imaluunniit kukkunersiuiinermik suliffeqarfiup suliaata pitsaassusaa misissorsinnaajumallugu, Erhvervsstyrelsi pisuni aalajangersimasunik paasissutissanik takusaqarsinnaanissamik pisariaqartitsisarpoq.

Tamanna tunuliaqutaralugu naatsorsuuserineq pillugu inatsimmi § 15-mut aalajangersakkamik ilanngussisoqarpoq, Erhvervsstyrelsi nakkutilliinermik misissuoinermillu sulineranut atugassanik styrelsi naatsorsuuserinermut atortunik attuumassuteqartunik tamatigut piniarsinnaaneranik erseqqissaataasumik.

4. Kalaallit Nunaanni pissutsit kingunerannik peqqussutissatut siunnersuummut allannguutissatut siunnersuutit

Peqqussummi atuuttumi § 12, imm. 1 malillugu naatsorsuuserinermut atortut Kalaallit Nunaanni aallaavittut toqqorsimaneqassapput. Akerlianilli suliffeqarfiup allaffissornera aqunneqarneralu Danmarkimi ingerlataappata, naatsorsuuserinermut atortut Danmarkimi toqqortarineqarsinnaapput. Tamanna tunuliaqutaralugu peqqussutissatut missingiummi § 12, imm. 1-ip nutaamik oqaasertalernerani siunnersuutigineqarpoq, suliffeqarfiup allaffissornera aqunneqarneralu Danmarkimi ingerlanneqarpat, naatsorsuuserinermut atortut assigisaanik

Danmarkimi pisortat oqartussaasuinit il.il. takuneqarsinnaanissaat pillugu aalajangersakkamik ilanngussisoqassasoq.

5. Peqqussutip Kalaallit Nunaannut atuutsinneqalernera aamma ikaarsaariarnermi aalajangersakkat il.il.

Piffissaq peqqussutip atuutilerfissaa kiisalu tamatumunnga atatillugu taamaattoqassappat ikaarsaariarnermi aaqqissuussinerit nalunaarutikkut aalajangersarneqarnissaat peqqussutissatut missingiummi siunnersuutigineqarpoq. Namminersorlutik Oqartussat soorunami tamatumunnga akuutinneqarumaarput.